

ANNUENTE SACRO-SANCTA MONOTRIADE,  
DISPUTATIO MEDICA,

4

exhibens

# Agrum Epilepticum

AUTORITATE

Illustris & Gratiosissimæ Facultatis

Medicæ in florentissimâ Salanâ,

PRÆSIDENTE

V I R O

*Nobilissimo, Amplissimo, Excellentissimo atque  
Experientissimo*

DN. GEORGIO WOLFF  
GANGO WEDELIO,

Med. D. Anatom. Chirurg. ac Botan. Pro

Publ. longè meritissimo, S.R.I. Acad. Natur. Curios. Col-  
legæ felicissimo & spectatissimo,

*Dn. Patrono, Promotore ac Præceptore suo nullo non observan-*  
*tia & honoris obsequio atatem æstimatissimo,*

publicæ ac placidæ Philiatorum ventilationi atq; censuræ subiecta

SIMONE Zeidelern / CALA TYRIGET

A. & R.

*In Auditorio Medico,*

*H. Lg. C.*

Ad diem Martii A. C. cId Idc LXXIII.

*J E N Æ,*

TYPIS SAMUELIS KREBSII.







## Q.D.B.V.



Uod in Gymnasiis est chria vel declamatio, id in medicinâ sunt consultationes. Hæ enim circa particulares casus occupatæ longè optimè medicum futurum exercent.

Qui tabulas Geographicas inspiciunt, nosse quidem situm loci, & incolas ex additâ descriptione possunt, sed longè melius informatur de hisce omnibus, qui iter eò fecit, & oculis propriis singula usurpavit. Pari ratione bonum quidem est, morborum therapiam nosse, unde oriantur, quibus signis deprehendantur, quæ postulent remedia; melius verò longè est exerceri in individualibus consultationibus seu casibus. Dici vix potest, quantum inde emergat utilitatis.

Medicos in consultando in omnia inquirere decet, & συνεργὲς γὰρ ἐστὶν τοῖς ἰατροῖς βοηθοῖσι, cooperarios fieri in promptâ facilitate & facili promptitudine auxilii, teste Coo l. de præcept. c.7.

Nos in præsentiarum sistimus epilepticum, de ejus morbo & curatione mentem nostram cum aliis communicantes, quod Feliciter evenire jubeat Deus.

## HISTORIA.



Uvenis 18. annorum, epileptici parentibus satus, temperamentum cholerici, natus in ♀ ☉ & ♃, accedente ♀ ♃, & ☿, usu fructuum horariorum & lactis nimia in-



ingurgitatione delectatus, petroselini & caprarum crebro cibos  
condiens additamento, somnum in recens calce oblito cubiculo  
capiens, ventorum Austrinorum afflatus in itinere passus, ter-  
rore subitaneo ob periculum ignis consternatus; cum scabie la-  
boraret, unguentis & libus eandem in corpus repulit. Paucis e-  
lapsis septimanis calorem summa deferentem, incertum lumen,  
nervorumque trepidationem, memoriæ sublapsum & versatio-  
nem capitis prius expertus, somniisque turbulentis vexatus, sub  
auroram surgens desubito convulsus concidit, vociferatur, ster-  
tit, spumat, oculi fuere contorti. Interposito tempore ad se re-  
diit, perque seipsum consurrexit. Pollex volæ insertus pertinaci-  
ter à reliquis detentus fuit digitis. Elapsis quatuor septimanis,  
tempore novilunii altero paroxysmo conflictatus, petit consi-  
lium.

## RESOLUTIO.

**A**FFECTUS, ægrotum nostrum premens, est vitium comitia-  
le, Senecæ dictum, *Epilepsia*, morbus ille sacer & Herculeus.  
Lunaticum appositè hunc nostrum dicere possumus, cum & in  
novilunio sit natus, & in novilunio morbo correptus æger.

Confirmant id signa in Historiâ allata ESSENTIALITER  
INHÆRENTIA, Convulsio subitanea & præceps in terram  
lapsus; ESSENTIALITER CONSEQUENTIA in actionibus  
læsis, animalibus, vociferatio, & sensuum omnium ecclipsis; vi-  
talibus, stertor; excretis & retentis, spuma circa os, & profusio  
seminis involuntaria; in qualitatibus mutatis, oculorum distor-  
sio, ingratum hunc stipantia hospitem, infallibiliter ipsum de-  
tegunt.

CAUSÆ & SIGNA prægressa, inprimis summa deferens  
calor, incertum lumen, nervorum trepidatio, & reliqua in Hi-  
storiâ subijuncta prolixè idem asserunt.

SIMILITUDO non abludit. Quamplurimos vidi, con-  
vulsione ejusmodi in terram prostratos, iisdemque symptoma-  
tibus extra se abreptos, ab omnibus tamen, non medicis solùm,  
sed & ipso vulgo pro epilepticis habitos.



Nec est, quod scrupulosè quæramus, an morbus sit, an symptoma, cum ipsum sese malum in symptomatum classem vindicet.

Magnum hoc est malum, tum καὶ τῆς βεβλαμμένης ἐνεργείας ἀξίωμα, secundum dignitatem actionis læsæ, nempe animalis, tum κατ' οὐσίαν ὅτιαν τῆς Διάθεσεως, propriam essentiam dispositionis.

SUBJECTUM ADÆQUATUM est totum corpus. Hoc enim totum & secundum omnes partes convellitur, id est, contrahitur secundum omnes partes versus suam originem. PRINCIPALE est cerebrum, non secundum meatus & ventriculos, sed potissimum membranas partes consideratum. Musculi per consensum afficiuntur.

Duplici modo cerebrum in Epilepsiâ patitur, vel per essentiam, quando proprio in sinu & generat & fovet anguem; vel per consensum, quando vitio alieno partis extra arbitrium suum positæ generatum suscipit & adservat. In nostro ægro admittitur solum essentia, (cerebrum enim ad id malum per se dispositum fuisse, historiæ circumstantiæ narrant) consensu tamen sanguineæ massæ, ob retropulsam scabiem fortiter inquinatæ, limitata.

CAUSA IMMEDIATA, ex *Veterum* quidem placitis, est obstructio partialis ventriculorum cerebri, ut sit morbus in viâ, adeoque obstructis nervorum portis, spirituum animalium motu intercepto, partes sensu & motu destituantur & convellantur; Sed juxta *Recentiores* rectius accusatur concussio & vellicatio cerebri, ab expultrice facultate membranarum ipsius irritatâ, quæ materiam vitiosam, peculiariter sibi infestam, excutere annititur.

MEDIATA PROXIMIOR CAUSA quoad essentiam duplex occurrit: Humorosa & vaporosa. Illa effectivè, hæc affectivè.

Humores in nostro ægro peccant serosi, biliosâ Tincturâ inebriati. Serosi se à posteriori offerunt conspectui, laboravit enim scabie, serosorum humorum productio primario. Biliosi à priori, temperamento scilicet cholericò patescunt.

Vapores ab ejusmodi humoribus elevati sylvestres singulari moris mali insigniti sunt notâ, quâ non solum adversi redduntur generi nervoso, membranisque cerebri, verum & ipsis animali-



bus spiritibus, qui ab illis impetiti tantas turbas in paroxysmo edidère.

Fit à vapore, quia citò exsurgit, & citò iterum disparet: ab humore, quia vapores non carent minerâ suâ. Elevantur ab hâc acres & retorridi halitus, & sublati in cerebrum, non aliter id percellunt, quàm venenata ac substantiæ ejus infensa ac inimica qualitas.

*Chimici* accusant  $\text{O}$ lum  $\text{S}$ iale. *Paracelsus*  $\Delta$ ,  $\ominus$  &  $\text{X}$  promiscuè nominans, unumquodque eorum potens satis esse arguit edendo huic malo ovo.

*Alii* succinctius vaporum hanc meteorisationem ex conflictu in  $\text{F}$ ri  $\text{O}$ ti præparatione oriundo explicare satagunt.

*Helmontius* ex acore ventriculi causam vaporosam maximè arcessit, illamque archæum cerebri furibundum reddere censet.

*Sylviani* eundem affectum ex humoris pancreatici & biliosi vapidâ ascensione & cum cerebro communicatione deducunt.

*Barbatus* deleteriâ facultate peccantes flatus, spiritibus animalibus remistos, in proscenium adducit.

Audiri possunt singuli, cum res & vota eodem tendant.

Quoad *modum essendi*, delinquent humores hi *quantitate*. Sunt enim copiosi, &, retrogrado scabiei additamento adaucti, magnæ utique activitatis.

*Qualitas* mordax & acris, ut antea insigni pruritu extimam exercebat vestem, à multis animato seminio adscripta, ita nunc, devolutâ interiora versus mole, cerebrum ad eandem suscipiendam coegit.

*Motu* peccant *generationis & locali*. Extra partem affectam in totâ massâ sanguineâ, hepate præsertim calidiore, vitiosa producta materia ad caput viam affectavit,  $\omega\sigma\delta$  seu *pulsione* partium mittentium robustiorum, receptione debilioris cerebri adjuncta.

In cerebro ipso materia generata fuit per  $\sigma\upsilon\nu\alpha\theta\epsilon\gamma\iota\sigma\mu\acute{o}\nu$  *collectionem*, recepta undique à *facultate læsâ* propter intemperiem calidiorem & sicciorem, ab errore externo operâ non minimâ collatâ.

Imbecillitas affectæ partis naturalis, & substantia glandulosa



losa aditum fecit liberiores, ζέσι καὶ ἀναχωρήσι fermentatione  
& segregatione humorum factâ, quâ potitum imperium serum  
procellam hanc excitavit.

MEDIATÆ REMOTIORES CAUSÆ ἀφορμὴν præben-  
tes NATURALES sequuntur:

1. ÆTAS JUVENILIS, id quod *Cous 3. aphor. 29.* con-  
firmat, & *Galenus in commentario* ad errores externos huic ætati  
solennes restringit, in nostro ægro concurrit.

2. HÆREDITARIA DISPOSITIO, quæ dubio procul  
& in infantiâ vestigia sui prodidit, seminale contagium aliis cau-  
sis sustentatum jam explicuit.

3. INFLUXUS ASTRALIS non leve momentum contu-  
lit. Observarunt Astrologi, in novilunio natos sæpissimè corrip-  
epilepsiâ, idemque malum plerumque recurrente novilunio Ἰν-  
σημασίαν nancisci. Veritas asserti hujus & in nostro ægro emicat.

4. TEMPERAMENTUM BILIOSUM acres & acutas mo-  
leculas suas ad cerebrum misit, irritationi apprimè favens.

Ex NONNATURALIBUS AER, ventorum furiosâ & in-  
frunitâ vi saturatus, ingeneravit malum cerebri habitum. Au-  
strinis verò præcipuè tempestatibus morbum hunc contingere,  
scribit *Hippocrates L. de morbo sacro.*

CIBUS & POTUS potentissimam in dispositis corpori-  
bus epilepsiam concitandi vim habens, infelici ægri fato memo-  
randus venit. Fructuum horariorum esus calorem debilitan-  
do, & cruditates accumulando, flatus quamplurimos gene-  
ravit.

Lactis ingurgitatio nimia, in ventriculo expectans chylo-  
sin, in æruginosum flatum virus degenerare facillè potuit. Hoc  
insinuat capiti sensim sensimque, vellicavit membranas, do-  
nec excedente dispositione naturali, excitum molestem exonera-  
re molem concussione hac convulsivâ allaboravit.

Cæpæ nidorosam & sulphuream suffumigationem contu-  
lerunt.

*Petroselinum* penitus innoxium fuisse, asserere non sustine-  
mus, utut alii apium veterum hoc esse negent, alii cum *Sereno*  
poetâ medico epilepticis mederi idem contendant.

SOMNUS,



SOMNUS, in fecens calce oblito cubiculo initus, nervosum genus virulentis effluviis mirum quantum perculit, ut mirandum non sit, surgentem è lecto laceffitum esse à morbo.

TERROR subitaneus consternatum ægrum maximo cumulavit damno, convulsivis funestus indiciis.

EX PRÆTERNATURALIUM classe *scabies* retropulsa, unguentis nervoso generi inimicissimis, omne fert punctum. Ut eliminatæ extra palatium quisquiliæ, si denuò inferantur, foridibus ingratis illud magis conspurcant: Ita purgamentum hocce sanguinis, iterum in corpus receptum, longè exquisitius illud percellit, quàm antea, cum nondum segregatum sanguini misceretur. Omnis itaque crudelitas in cerebro, minus in auxilium sui valido, constitit. Quicquid corpori dolendum fuit, in hoc transivit, quicquid cuti expiandum, in hoc.

Hiscæ parentibus satus affectus sequentium symptomatum lernam peperit.

1. *Calor summa deferens, incertum lumen, nervorumq; trepidatio & memoria sublapsus* turbatæ œconomix animalis, & consequenter totius corporis debentur.

2. *Versatio capitis à spirituum animalium cum flatibus peregrinis commistorum in gyrum motu* dependet.

3. *Somnia turbulenta* vaporum copiam consequuntur.

4. *Subitus in terram lapsus* evenit propter motum musculorum tonicum, ab interceptis spiritibus animalibus læsum.

5. *Convulsio* facta ab irritatâ facultate expultrice, irritatis simul nervis & musculis.

6. *Vociferatio* insequens & *clamor* involuntarius oritur à convulsis musculis laryngis.

7. *Stertor* acceptus fertur impeditæ respirationi, musculis thoracicis officium non obeuntibus.

8. *Spuma circa os* apparet, vel quia roscidus pulmonum humor ebullit, & in os ingreditur, vel quia jactatione & violentiâ motûs spiritus cum humoribus luctantur & in spumam abeunt.

9. *Oculi contorti* fuerunt ob secundam conjugationem nervorum & musculos ophthalmicos irritatos.



10. *Pollex vola insertus pertinaciter à reliquis detentus digitis  
hæsit, quia retrahendus versus principium suum ad aliam figu-  
ram flecti non potuit.*

11. *Semen præter voluntatem in paroxysmo egestum, propter  
musculos ejaculatorios convulsos, & vesiculas seminarias con-  
cussas.*

Quid prædicendum rebus sic stantibus? Quoad SALU-  
TEM & MORTEM *Celsus l. 2. c. 7.* optimum esse scribit, à mani-  
bus pedibusque initium mali hujus fieri: deinde à lateribus:  
pessimum inter hæc, uti hîc, à capite. Deinde dispositio hæredi-  
taria malè ominatur. Tertiò Luna accessionibus damnisque  
mutabilis impressiones fortes demittit. Ad hujus motum in-  
crementa sumpturus in posterum videtur morbus. Porro pro-  
cessit morbus ab essentiali labe & infirmitate cerebri. Accedit  
denique, quod mentis sedes laboret, magnumque & grave peri-  
culum intentet. Hæc omnia *δυσίατον*, si non incurabilem pla-  
nè morbum minantur.

Sed benè sperare jubet ætas juvenilis, calido vegeto inna-  
to, robustoque pollens. Ager annum vigesimum quintum non-  
dum excessit, in quâ ætate positis *συναποθνήσκειν*, ad mortem co-  
mitari epilepsiam scribit *divinus Senex 5. aph. 7.* adeoque matatio  
ætatis & temporum, & locorum & victuum inprimis, elogio 2. *a-  
phorism. 45.* amplam spem liberationis promittit.

Recens est malum, non inveteratum; levioze ergò medici-  
nâ oriens adhuc restinguetur vis.

Dispositio hæreditaria & influxus astralis cum nunc demum  
plenariè imperium suum in ægrum exercere meditentur, quia  
erroribus in diætâ & medicaminibus sopitis illis frena laxavit,  
confodiendo iterum se exhibent prompta.

Et licet in ancipiti res libretur consilio, erigendus tamen  
ægri nostri animus, inque spem humanum pectus dispensan-  
dum est.

Quod duces magni faciunt, rebus affectis, ut hilaritatem  
de industriâ simulent, & adversas res adumbratâ lætitiâ abscon-  
dant, ne militum animi, si fractam ducis sui mentem viderint, &  
ipsi collabantur, id nobis nunc quoque faciendum est. Indu-  
cias



cias menstruas dedit morbus, propediem quoque manus daturus.

LONGITUDO & BREVITAS determinari quidem nequit, sed cum diu cerebro insidere soleat epilepsia, nec faciliè pristino discedere habitaculo, verum magnam minari advectionem, partium ægroti nostri erit, omnia curiosè exequi & præstare, quæcunque gratiosè ipsum jubebimus. Miserum enim est, cum nolis mori, non omnia facere, ut vivas.

MODO EVENTUS cum epilepsia duplici ad salutem terminetur, vel integrâ solutione, vel humorum vitiosorum alium in locum μεταστάσις, parum intererit, sive prius in nostro casu eligamus, seu, quod scabies retropulsa in mentem vocat, posterius. Probabile est, medicamentis expulsiuis materiam vitiosam denuò ad cutem decubituram, finemq; morbo, cui originem unâ dedit, imposituram.

CURATIO absolvetur methodo medendi, & inde erutis indicationibus, cum materiis præsidiorum.

*Indicatio curatoria* περιπαύσιν ipsius paroxysmi attendit. *Præservatoria* δεφύλαξιν, ne iterum æger in paroxysmum incidat, remotione causarum concernit. *Vitalis* utrobique virium ἀνάληψιν exequitur.

PAROXYSMUS ipse omni studio vel præcavendus, vel, ut mitior affligat, moderandus.

Quamprimum æger advertet infelices præcursores instare, aquis epilepticis, balsamis apoplectiis & aliis, quorum ideam mox dabimus, se muniat, præsertim instante iterum novilunio, si forte, ut hæctenus, tempus illud observet malum.

Correptus morbo, pectore & capite non nihil elevatus teneatur, non tamen in totum, ne diutius perduret invasio, omnī motu inhibito.

Pollex vi ex volâ extortus parum vel nihil juvabit.

Nullum unquam auxilium præstantius in ipso paroxysmo expertum est, quàm frictiones validæ & violentæ brachiorum, crurum, scapularum & dorsi ipsius, vel solis pannis asperis, vel linteis ~ l. convall. urinoso & salvia imbutis factæ.

Os ægrotantis clausum aperiatur visco quercino, sambuco



ex salice depromptâ, vel radice pæoniæ, ut spuma effluat & respiratio liberius procedat, tùm quoque ut medicamenta ingeri possint, quo fine lingua, cujus demorsio sic præcavetur, illinatur theriacâ vel mithridatio.

Pulvis sternutatorius sequens naribus infletur.

℞. *pulv. flor. lil. convall.* ℥j. *castor. ppt.* gr. vj. *ambra* gr. ij.

Misce F. pulvis. D. in chartâ. S. Kräftig Niesepulver. Dosis est pisi magnitudo pro unâ vice.

℞. *rad. irid. Florent.* ℥j. *pulv. lil. convall.* ℥ß.

*majoran.* g. v. *mosch.* gr. j. M. F. pulvis. S. ut suprà.

Soliti sumus cum fructu adhibere externè ad nares volatilia urinosa; eadem & nostro suadebimus ægro. Ad manum sit lixivium commune. Huic injiciatur pauculum de ☉le \*co pulverisato. Excitatus & confurgens inde odor ad nares derivetur, vel ipse ☉ \*ci volatilis naribus adhibeatur, ut subtilissimam suam energiam cum inspirato aëre in penitiora capitis abdita vibret, facultatem animale excitet, acorem, si quis adest, seu austerum vaporem discutiat, & ægrum brevi à paroxysmo liberet. Eidem fini inservit odor ☉CC. item balsamorum apoplecti-  
corum, succini, majoranæ.

Commisura futuræ coronalis imbuatur *ol. cran. hum. ruta*, cum *castoreo* imprægnatis & *ol. nac. mosch. expresso* subactis.

Cæteris ad manum non existentibus, manipulus ☉lis cervici applicetur, dum cætera acquirantur. Intereâ paretur clyster acris & revellens.

℞. *fol. ruta*, *salv. origani* a. mj.

*sem. pæon. anisi, fœni graci* a. ʒij.

*fl. pæonia, chamæmeli* a. mß.

*visci querni* ʒß. *rad. belleb. nigr.* ʒiiij.

*colocynth. in petiâ ligat.* ʒj.

Coq. in s. q. aq. simpl. Colat. ℞. ʒix. adde

*olei rutacei* ʒj. *cheirini* ʒß.

*elect. diacathol.* ʒvj. ☉gemm. ℥j.

*vitel. ov. n.* j. M. F. clyster.

Quæsitum, an Venæsectio statim ante paroxysmum, vel illo excusso sit instituenda, negamus. Sauciari tamen, ex mente



quorundam, potest digitus, & gtt. j. vel ij. sanguinis ægro offerri  
ina quâ epilepticâ.

An gagatis, succini & aliorum graveolentium oleosorum  
suffitu arcere paroxysmum, ægrumque excitare sit consultum, si  
quis quærat, fatius esse ducimus, levi paroxysmo exantlari,  
quàm nidore ejusmodi, qui & extra paroxysmum epilepsiam  
quandoque in dispositis redarguit & arcessit, gravare caput,  
quod etiam de allio, aliisque vulgi suffitibus plerisque valet.

Ori diductio infundatur cochleatim per vices sequens mixtura:

℞. aq. epilept. Langii, cerasor. nigror. a. ℥ij.

Θ volat. cran. hum. gr. vj. ~ CC. rectific. albi 3℔.

cinnabaris Hungaric. Olaris ppt. ℥j.

sirup. peon. ℥j. M. F. Potio. D. in fistili. S. Haupttrânck-  
lein uff etlichmal.

Nec opiatīs cum antepilepticis maritatis ante paroxysmum  
cum Sennerto insistere erit de nihilo, ut quies movendæ materiæ  
imperetur, & morbus in centro detineatur, ne evagari possit.

℞. confect. de hyacinth. ℥j. pulver. epilept. Craton. g. xv.

laud. opiat. nec cum acido, nec ~ ueso menstruoparat. g. ij.

ol. campb. gtt. j. M. F. c. f. q. sacch. & sir. peon. l. a. bolus.

S. Stärckbissen uff jmal.

Solâ emulsione *feminum peoniae*, quibus ex Borelli encomio  
*sem. saponariae* addi posset) paroxysmum superavit Hildesheim.  
*spicil. 7. de aff. cap. p. 598.* Si dulcibus delectetur adeò æger, posset  
hæc quoque pro usu parari, ut indigenti sit ad manus, licet, ut  
verum fateamur, lubentius ea omittamus.

Insufurratio auribus ægroti facta, non superstitiosâ vocum  
certarum enarratione, sed suscitationis quâdam *ἐνεργεία*, præ-  
sertim si antepileptica prius fuerint masticata, non erit frustranea.

EXTRA PAROXYSMUM curationem suscipiemus ordinari-  
am, ex usitatis præsidiorum fontibus.

EX CHIRURGIA deprompta VENÆSECTIO circa pri-  
mam vel secundam Lunæ quadraturam instituatur, ut vitiosum  
istud purgamentum, sanguini denuò nuptam, educatur. Hæ-  
ret enim adhuc in suis incunabulis malum, hinc parte demptâ re-  
liquum natura facilius superabit. Eligatur mediana brachii  
dextræ,



dextri, vel cephalica, & sanguis ad uncias aliquot cum tolerantiâ ægri emittatur.

Coindicant ætas vivida, sanguinis copiam facilè generans, intemperies calida, & alia.

SALVATELLÆ quoq; sectionem, cum in extremitatibus vaforum restagnare soleant excrementa, non inutilem futuram censemus.

ARTERIOTOMIAM retrò aures, nisi emanferit morbus, insignie concomitabitur levamen. Calidæ ἀναστυλάσας, spiritus animales quæ turbant, hic datâ portâ exitum cum sanguine quærent. Nulla dura curatio, cujus salutaris effectus est.

Succenturiari his potest scarificatio scapularum, ipsi vulgo in impuritatibus sanguinis celebrata.

VESICANTIA, FONTICULI, SETACEUM, valida & generosa præsidia, si pertinacia morbi impedimentum omne transcendat, magnam de se faciunt expectationem.

EX FONTE PHARMACEUTICO suggerunt se primò LENIENTIA, impedimenta curationis ex primis viis auferentia.

Rx. *Tri Olati* ℥j. *Θ* *fumariæ, rad. gialap. ppt. a.* ℥ß.  
M. F. pulvis. D. in chartâ. *Σ*. *Lindpulver* uff 2 mal.

Rx. *M. P. aloet. nostræ ordinat. extr. fumar. a.* ℥ß.  
*elix. ceph. q. s. M. F. l. a. pilulæ minores. D. in pyxide.*  
*Σ*. *Lindpillen* uff j mal.

PRÆPARANTIA digestiva maximè sunt necessaria, quò peccans humor aptus ad expulsionem reddatur, per unum vel alterum diem continuanda.

Rx. *aq. borag. pæon. fumar. a.* ℥j.  
*~ Oli volatilis, essent. fumar. compos. a.* ℥j.  
*sir. corall. Querc.* 3vj.  
M. F. Haustus. *Σ*. *Blutreinigend Träncklein* uff 2 mal.

Rx. *rad. pæon. D. decresc. collect. fragar. cichor. a.* ℥ß.  
*fol. beton. meliss. a. mß. summit. fumar. mij.*  
*sem. pæon. filer. mont. citr. a.* ℥ß.  
*visc. quern. 3vj. Coq. in s. q. seri lact. capr.*



Rx. colat. ℥j. sirupi de senā. corall. a. ʒj.  
mistur. simpl. ʒj. essent. fumar. ʒj.

M. F. Potio. D. in fictil. S. præparir, Trancß uff 4. oder  
5 mal.

Rx. ∇cichor. beton. polychrest. a. ʒß.

Tinctura ʒii ☞ risat. c. rhabarb. ʒß.

M. F. Haustus. S. digestiv Trancßl. uff 1 mal.

Humores hoc modo digesti educantur propriè dictis pur-  
gantibus:

Rx. ∇peon. fumar. salv. a. ʒiß.

In his infund. per ϑ. rhabarb. Alex. ʒß.

troch. de agar. ʒj. fol. sen. Alex. ss. ʒß.

fibr. belleb. nigr. ʒß. ☉ ☞ gr. vj.

fl. nymph. borag. a. pij. cinam. ʒj.

Mane leniter ebulliant. In colat. dissolve

mannæ elect. sir. de cichor. c. rhab. a. ʒß.

oxym. belleb. ʒul. ʒij. M. F. l. a. haustus.

S. Purgiertrancßlein uff ein mahl.

Rx. pulv. purgant. Comitris de Warvvick. benè ppt. ʒj.

☞ Olat. Dar. gr. vj. mag. gummi Peruviani gr. iv.

elaosacch. macis gr. ij. M. F. pulvis S. Purgierpülver-  
lein uff ein mahl.

Rx. pulveris laxat. vegetabilis, animæ ejusd. a. gr. xj.

extr. belleb. nigr. gr. v.

elix. cepb. q. s. M. F. l. a. pil. D. in pyxide. S. Purgier-  
Pillen uff 1 mahl.

VOMITORIA, ut cruditates in ventriculo ab ingurgitati-  
one immodicâ residuæ expugnentur, accersenda quoque sunt.

Valet hic ☉ Oli, experientiâ A. Sale commendatum, vel

Rx. ∇beton. ʒij. manna vomitor. ʒiß.

extr. asar. gr. v. oxym. belleb. ʒß.

M. F. Haustus. S. Brechtrancßlein.

Rx. ∇bened. Ruland. ʒj. cinam. ʒij.

sir. comll. ℥. ʒvj. M. F. Potio. S. Brechwein.

Rx. crystall. ʒii emeticor. hepatici rubri. a. gr. iij.

D. in chart. S. Brechpülverlein. Assumatur cum brodio  
gallinæ tepido.

SUDO-



SUDORIFERA radices sanguineæ massæ infixas, ipsiusque scabiei residua miasmata dissipabunt partim, partim ad cutem detrudent. Unica in his curationis residet spes, unum auxilium.

Præberi poterit decoctum *ligni sancti* cum *visco querno*, aliisque mundificantibus & epilepticis remixtum. Vel

Rx. *Tinctur. corall. cum lign. parat. bezoard. Dn. Pras. a. 3j.*  
*us Pri rectificat. 3ß. Olistriati 3j.*

M. in vitro. S. *Schweiß Mixture*. Dos. 30. 40. gtt.

Rx.  $\nabla$  *epilept. Lang. 3ij. ligni sanct. 3ß.*  
*m. s. cum extr. pæon. tinct. 3j. sir. corall. 3ß.*

M. F. Haustus. S. *Schwitztrancé*.

Rx.  $\dagger$  *diaphoret. nivei, CC. phil. a. gr. xij.*  
*Zz Spurriss. fl. \*ci corall. a. gr. iij.*

M. F. pulvis. S. *Schwitzpulver*.

DIURETICA, cum  $\Theta$ lia malum foventia ad vias urinas præcipitent, multi peculiariter hîc venerantur. Quocirca & nostro ea commendabimus ægro.

*Crato terebinthinam* hostiis involutam epilepticis commendat.

Rx.  $\nabla$  *cichor. fragor. a. 3ij. Ol. 3ij.*

*sir. byzantin. q. s. ad gratiam. M. in fict. S. Harntreibend Wasser.* Dosis cochlear unum.

EVACUANTIA PARTICULARIA per nares & fauces, supra jam delibata, his subjungenda, dephlegmantia scilicet sanguinem & impurum quod est à capite revellentia. Nec obstat *Galenicum* illud: non esse  $\Delta\epsilon\ \kappa\epsilon\kappa\alpha\kappa\omega\mu\acute{\upsilon}\lambda\omega\nu\ \mu\omicron\epsilon\tau\acute{\omega}\nu$  per loca affecta evacuandum, cum cerebrum hîc læsum & affectum sit. Evacuazione totius prægressâ, innocua erit particularis.

ALTERANTIA SPECIFICA INTERNA & EXTERNA æger non omittat.

Ex regno vegetabili selectiora sibi commendata habeat, quis enim omnia enumeret ab autoribus descripta?

*Alcohol musci terrestris clavati*, experimento & inventione *Rolsincianâ* laudandum, spirituositate & volatilitate conspicuum, nostrâ experientiâ sæpius in epilepsiâ cum urinæ retentione expertum.

Viscum



Viscum quernum vel magis corylinum, cujus lignum oleum Heraclinum præbere, ad epilepsiam decantatissimum, Valentini Rulandi ad Fabricium Hildanum omni exceptione major confirmat affirmatio, & exinde præparata laudem merentur.

Ex *animali regno* cum hominis calvariam comitialis depulsionem facere, multoties felicissimis successibus se expertum, præter alios, ajat *Scaliger exerc. 112. p. 420.* non possumus non magnoperè illud ægro usurpandum insinuare.

Quoad sanguinem humanum, an ex nonnullorum suafu hauriendus sit, ex nuper jugulati hominis fluentibus venis, reponimus illud: miseri & anxii mortales terribilia & incognita remedia arcanam vim habere existimant. *—um* potius *hujus*, vel *secundina humane*, si lubido sit, in usum trahat.

EX MINERALI REGNO Cinnabarin mineralem Hungaricam, quam vulgò *Cratonis* commendatione & experimentis celebrant, & apud hodiernos utramque absolvere paginam, experientia testatur, eligat. *Smaragdum* item & *corallia* indeque parata; Hæc enim & sanguinis impuritatem & epilepsiam respiciunt.

Ex his composita præscribimus sequentia:

Rx. Zz. nat. Olar. cum  $\nabla$  lil. convall. ppt. 3j.  
cran. human. ppt. alcohol. musci terrest. clavat.  
magist. castor. a. 3j.  
smaragd. ppt. corall. ppt. a. 3ß.

M. F. pulvis. G. Hauptpulver. Dosis sit ʒj. vel 3ß.

Rx. pulv. epilept. marchion. ʒij. Zz. nat. ʒij. ʃ 3ß.  
cran. hum. ppt. ras. ungu. alc. a. 3ß.  
extr. visc. quern. helen. a. 3ß.  
ambr. gr. v. ol. cubeb. gtt. ij.

sacchar. in  $\nabla$  ceras. nigr. q. s. solut. ʒiij.

M. F. l. a. rotulæ. D. in scat. G. Stärckende Haupt-  
Püchlein.

Rx. conservæ pæon. anthos, fumar. rutæ a. 3ß.  
extr. lign. al. ʒj. pulv. epilept. march. 3j.  
spec. diamb. diamosch. dulc. a. 3ß.

Tinctura



*Tinctura D B. specif. cephal. ʒj. conf. Alkerm. ʒj.*

*ſir. fumar. q. ſ. M. F. l. a. Electuarium. S. Stärcklaſſenwerg.*

*Rx. Mus ʒi ʒlis, cran. hum. rectif. a. ʒj.*

*lil. convall. ʒij. ʒ volat. ſuccin. ʒ B.*

*effent. cephal. ʒ. M. in vitro. S. Sonderbahrer Spiritus.*

*Dof. 20. 30. gtt.*

EXTERNE, præter adducta ſuperius, appendat collo *radicem paoniae maris*, obſervatione *Galeni*, & *Fernelii in conſil. pro puer. epil.* utilem, quam tamen *Langius in epiſt.* radicem potius diptamni noſtratis ſeu fraxinellæ eſſe autumat.

*Sambusi* in ſalice creſcentis in nodulos ſciſſas particulas certo tempore decerptas eâdem ope expectationem exſaturant quandoque.

*Cucupha* ex cephalicis concinnatæ continuè geſtentur.

VICTUS RATIO proportionem correfpondeat proſcriptis medicamentis.

IN DIÆTA NATURALI, lac & fructus horarii proſcribantur. Cibus ſit attenuans, à *Galeno* maximè laudatus. Salſa, vaporofa, acria & nidorulenta, quales in ſpecie ſunt cæpæ, à menſa abſint. Carnes leporum, turturum, ova tremula, piſces ſaxatiles palatum delectent. Petroſelini intempeſtivus & crebrior uſus devitetur. Cœtera in tempore, qualitate & quantitate ſint moderata.

VINUM, à *Carolo Piſone de morb. à ſeroſâ colluv. ort. p. 145.* in epilepſiâ pro veneno habitum, parciffimè hauriat, & quidem ſolùm oligophorum, vel medicatum. Cereviſia non nimis ſit lupulata.

IN VITALI, AER ſit purus & temperatus, nullis odorum foetidorum effluviis inquinatus. Mutatio hujus per mutationem regionis commodè inſtituetur.

IN ANIMALI SOMNUS ſit moderatus. Horis binis vel tribus à cœnâ

————— det membra ſopori  
mollibus in ſtratis, vacuus curâque metuque.  
Corpora ſic prodeſt morbo conſecta foveri.



Decumbat capite nonnihil elevato, non verò in dorso Lucubrationibus omnibus intempestivis valedicat. *Quibus enim caput affligitur, ait Celsus, iis ne cogitatio quidem à cenâ tuta est.* More ergò Asinii Pollionis apud *Senecam*, qui à cenâ nullas resignabat aut legebat epistolas, animo curis soluto & tranquillo cubitum concedat.

Danda est remissio animis; meliores acrioresque requieti surgent. Lunares radii, cerebrum gravantes & epilepsiam facile fuscitantes, prohibeantur à capite.

MOTUS & CORPORIS EXERCITIA ante cibum fiant. Illi, teste *Pisone*, ut ad omnium morborum, ita inprimis ad epilepsiæ præcautionem maxima inest oportunitas. Ne quid tamen nimis. Remissiones præparamenta sunt ad labores: & arcus & lyra & homo vegetantur quiete. Tempestiva quies vires instillat, alitque.

ALVUS quotidie muneris sui memor servetur, si non natura, tamen arte sollicitatus.

ANIMI PATHEMATA, ira, terror, omniaque, quæ in dolores & terrorem ægrum dispensare possunt, cane pejus & angue fugiantur. Nil terrore ad epilepsiam fuscitandam potentius, nihil in hac æquè nocentius. Moderata hilaritas in oculis habeatur.

VENUS an conveniat, dubium videri posset. Est enim à *ἡγδοισιασμός* σμικρὰ ἐπιληψία, concubitus parva epilepsia. Nihilominus, cum semen in paroxysmo excretum sit, adeoque copiâ peccare simul videatur, legitimum & honestum conjugium non disuadebimus.

---

**S**pectamen miserum est, prostratum cernere morbo lunari, & rigido pollice membra quati.

Dulce



Dulce est in cathedrâ medicâ cum  
laude videri,  
& tanto auxilium quærere sua-  
ve malo.

Gratulor hos ausus! I, doctam con-  
fere pugnam!  
i, morbis validam ferre paratus  
opem!

*His  
benevolentiam & affectum singularem Cl.  
Dn. Respondenti testatur*

PRÆSES.

---

Sic TUA jam virtus tandem emicat, atque beatos  
Viva PATRIS manes exhilarare parat.  
Conscendis cathedram. Rectè ZEIDLERE! probatæ  
Doctrinæ specimen sistere Apollo jubet.  
Gratulor hoc coeptum, gratabor præmia, laurus  
Cum Phœbea TUAS vinciet inde comas.

*Pauca hæc, Doctissimo Dn. Zeidlero, Amico dilectissi-  
mo, Parentis pientissimi, τὸ πρῶτον ἀγαθῶς, compa-  
tris & confratris sui desideratissimi, filio haut de-  
generi, laudandos ob conatus animitus applau-  
dens,*

*scribebat*

Johannes Rodigast/ Eccl.  
Greibenensis Pastor.



**E**xiguos haud esse tuos, dum suscipis, ausus  
Censuræ morbum nunc sistere ab Hercule dictum  
Doctorum, fateor. Cedant feliciter optat.

*fida manus fratris*

M. Georg. Michael. Zeidleri.

---

**H**Actenus Herculeos Medicis,  
ZEIDLERE, labores  
Tractasti in studiis: id quod ab-  
unde probas.

Dum morbum Herculeum, causas-  
que modumq; fugandi  
Morborum hoc monstrum, non  
sine laude doces.

Applaudens illis Phæbus conatibus,  
inquit:

Doctoris beet hunc nomine  
Jena brevi.

*Exiguis hisce de egregio, in arte Paoniâ edito, specimi-  
ne Amico & fautori suo uti conjunctissimo, ita  
honoratissimo ἀντιδόχως grat.*

M. Samuel Rodigast/SS. Th. St.

F I N I S.